


Soalan 1 hingga soalan 8

Lengkapkan ayat-ayat di bawah dengan memilih jawapan yang **paling sesuai**.

1. Berikut adalah gambar rajah Pinggan Sihat Malaysia atau amalan pemakanan Suku Suku Separuh. Apakah makanan yang sesuai dimasukkan ke dalam bahagian yang ditanda X ?



- | | |
|-----------------------------|----------------------------------|
| A. Ikan, daging dan telur | C. Sayur-sayuran dan buah-buahan |
| B. Nasi, roti dan ubi-ubian | D. Susu, keju dan minyak |
2. Kita harus _____ pada waktu petang supaya badan kita kekal sihat.
- | | |
|--------------|------------------|
| A. beratur | C. bersenam |
| B. bertenaga | D. bertegur sapa |
3. Kita harus _____ bilik tidur selepas bangun daripada tidur.
- | | |
|----------------|--------------|
| A. mengemaskan | C. menyusun |
| B. membuang | D. mendaftar |
4. Kita dilarang berada di padang tanpa _____ guru.
- | | |
|---------------|----------------|
| A. pengawasan | C. keselamatan |
| B. peralatan | D. kecederaan |
5. Ahli bomba yang _____ itu telah menyelamatkan nenek saya semasa kebakaran.
- | | |
|------------|-----------|
| A. pantas | C. keruh |
| B. mendung | D. berani |

6. _____ penting untuk menguatkan gigi dan tulang kita.
- A. mineral
B. vitamin
C. kalsium
D. protein
7. Murid-murid harus _____ semua peralatan sukan selepas waktu Pendidikan Jasmani.
- A. hentikan
B. jalankan
C. kumpulkan
D. selamatkan
8. Ramai pelancong suka mengunjung ke pulau itu kerana air lautnya yang _____.
- A. jernih
B. surut
C. keruh
D. penuh

Soalan 9 hingga soalan 11

Bahagian yang **bergaris** dalam ayat-ayat yang berikut **mungkin mengandungi kesalahan** penggunaan bahasa atau **mungkin juga tidak**. Tandakan sama ada **A, B** atau **C** jika ayat itu **mengandungi kesalahan** dan tandakan **D** jika **tiada kesalahan**.

9. Litar tertutup kamera di sesuatu tempat boleh membantu mengurangkan kes jenayah.
- A. Kamera tertutup litar
B. Kamera litar tertutup
C. Litar kamera tertutup
D. Litar tertutup kamera
10. Kita boleh menggunakan alat pendingin hawa untuk menyejukkan badan.
- A. alat hawa pendingin
B. alat penghawa dingin
C. alat dingin penghawa
D. alat pendingin hawa
11. Sim sudah berasa lega tetapi sakitnya berkurangan.
- A. berasa lega dan sakitnya berkurangan.
B. berasa lega sambil sakitnya berkurangan.
C. berasa lega kerana sakitnya berkurangan.
D. berasa lega tetapi sakitnya berkurangan.

Soalan 12 hingga soalan 13

Pilih ayat yang **betul** susunan.

12. A. Perlu dihentikan jika cuaca buruk atau hujan semua aktiviti sukan.
B. Jika cuaca buruk atau hujan perlu dihentikan semua aktiviti sukan.
C. Semua aktiviti sukan perlu dihentikan jika cuaca buruk atau hujan.
D. Dihentikan perlu semua aktiviti sukan jika cuaca buruk atau hujan.
13. A. Ibu saya di kaunter pendaftaran mendaftar sebelum mendapat rawatan.
B. Ibu saya mendaftar di kaunter pendaftaran sebelum mendapat rawatan.
C. Ibu saya sebelum mendapat rawatan mendaftar di kaunter pendaftaran.
D. Ibu saya sebelum mendapat rawatan di kaunter pendaftaran mendaftar.

Soalan 14 hingga soalan 15

Pilih ayat-ayat yang betul .

14. I Ikan dan daging membekalkan kita protein.
II Jangan bermain di padang jika hujan atau cuaca mendung.
III Kita boleh membawa barang berharga ke sekolah.
IV Guru suka akan murid-murid yang nakal.
A. I dan II sahaja
B. I dan IV sahaja
C. II dan III sahaja
D. III dan IV sahaja
15. I Memakai baju sukan semasa sukan adalah untuk kecantikan diri.
II Jangan berlari semasa berada di tepi kolam renang.
III Air berkarbonat baik untuk kesihatan kita.
IV Menanam pokok bunga dapat menghijaukan persekitaran rumah.
A. I dan II sahaja
B. I dan IV sahaja
C. II dan IV
D. III dan IV

Soalan 16 hingga soalan 20

Baca petikan petikan di bawah dengan teliti, kemudian jawab soalan-soalan yang berikutnya.

Pada hujung minggu yang lalu, Kelab Perpustakaan sekolah saya telah mengadakan gotong-royong menceriakan dan membersihkan perpustakaan sekolah. Semua ahli kelab berkumpul di perpustakaan sejak pukul 8.30 pagi lagi. Mereka melakukan tugas yang diarahkan oleh Cikgu Chulailat dengan penuh tanggungjawab

Ahli dibahagikan kepada beberapa kumpulan supaya tugas dapat dilakukan dengan teratur dan cepat. Antara tugas mereka ialah mengemas dan menyusun buku, menampal buku yang koyak dan mengasingkan buku lama serta menampal poster baharu dan berita terkini tentang aktiviti ahli di papan kenyataan.

Semua kerja dapat disiapkan dalam masa yang singkat sahaja kerana mereka melakukan kerja dengan rajin dan bersemangat. Selesai melakukan tugas, mereka menjamu selera di kantin sekolah. Cikgu Chulailat sangat gembira dan berpuas hati kerana ahli kelab saling bekerjasama menyiapkan tugas mereka.

16. Siapakah yang menyertai aktiviti gotong-royong tersebut ?
- A. Ahli Kelab Kebersihan dan Keceriaan
 - B. Semua warga sekolah
 - C. Cikgu Chulailat
 - D. Ahli Kelab Perpustakaan
17. Tujuan gotong-royong diadakan adalah untuk _____
- A. Menjaga keceriaan dan kebersihan perpustakaan.
 - B. Mengisi masa lapang ahli Kelab Perpustakaan.
 - C. Menyisih dan membuang buku-buku yang telah koyak.
 - D. Mengamalkan cara hidup yang sihat dan bersih.

18. Berikut yang manakah **BUKAN** sikap yang ada pada ahli Kelab Perpustakaan dalam aktiviti bergotong-royong ?
- A. Bertanggungjawab C. Rajin
B. Bersemangat D. Berani
19. Apakah aktiviti yang **TIDAK** dilakukan oleh ahli Kelab Perpustakaan ketika aktiviti bergotong-royong ?
- A. Menampal buku yang koyak. C. Menyisih buku-buku lama.
B. Membuat poster-poster baharu. D. Menyusun buku-buku di rak buku.
20. Antara pernyataan di bawah, manakah yang **BETUL** ?
- A. Ahli Kelab Perpustakaan menjamu selera di kantin pada 8.30 pagi.
B. Cikgu Chulailat berpuas hati kerana ahli kelab saling bekerjasama.
C. Ahli kumpulan tidak dibahagikan kepada kumpulan-kumpulan kecil.
D. Mereka menyiapkan kerja dalam masa yang singkat kerana dapat menjamu selera di kantin.